

## Transcriptie tekst

1. Jacoba van Beyeren bider genader Gods hertogine van Glouchester gravinne van Henegouwen van Hollant van Zeelant van Penbroek ende vrouwe van Vrieslant
2. Doen condt allen luden want onze poirteren ende goede gemeynten onsen stede van Alcmair op dese tijt tot onser onderdanicheit gecomen zijn ende in
3. Onsen dienste ende ons geloift hebben mit horen luien ende mit alle hoire machten ons bij te staen ende ons onse lande ende vaderlic erve die ons een deel
4. Jaren tegen God recht ende reden ontweldicht zijn geweest te hulpen inerigen ende betrachtigen ende ons alles te doen dat goede getruwe onderzaten
5. Horen rechten heer of rechterlantsvrouw schuldig sijn te doen. So hebben wij dair up ende overinds menigen truwen dienst wielen die sij
6. Onsen voirvaderen graven te Hollant zaliger gedaanten in voirleden tiden gedaen hebben ons nu jegenwordicht doen ende oft God wie noch doen sullen
7. Als voirgeren is in deze selver onser stede gemeynen poirteren ende gemeynte van Alcmair vorscreven die nu sijn ende namens wesen sullen gegeven ende geven
8. Mit desen brieven sulke punten van hantvesten privilegiën ende rechten als hier na gescreven staen dat weten eerst so sullen onse stede
9. Poirteren ende gemeynte voirscreven mit onsen getruwen ondersaten ende bueren den kermers gemeyn werf houden mogen geliken als die warschippen
10. Up dese tijdt geordineert hebben mitten genen die sij mede versament sijn ende verbonden. Item zal onse stede voirscreven hebben ende houden 16 hooftmans
11. Gelijk sij nu geordineert hebben ende negen ghilden uit elker binnen onser stede van Alcmair jarlix kiezen te verstaen opten goeden vridach
12. Biden meere moge ende gevolghe vanden ghildebroeders enen anderen deken ende die negen deken die sulen kiezen 16 hooftmans ende die selven
13. 16 hooftmans mitten dekenen sullen kiezen drie burgemeysters ende 7 schepenen. Ende waert dat yemant binnen tsiars vande
14. Dekenen burgemeysteren hooftmannen of schepenen oflijck worde so soudt men den biden meesten gevolge dierre kundich waren in des doden
15. Stat enen anderen kiezen die dat jair van voirt uut dienen sude ende nyet langer. Item so sullen wij onser stede voirscreven hulpen na onsen
16. Vermogen overmids dat se seer tafter sijn up dese tijt hoir afterstallige lijfrenten up sekeren termijnen te betaelen binnnen 5 jaren na
17. Datum des briefs en(de) neyemant te geven dachgelt dat dair af verschenen mach wesen. Ende wair on tsake dat yemant wair die enige
18. Brieve hadde op onser stede voirscreven ende geen gelt dair voir betaelt en hadde dat men redelic bijbrengen mocht dair en soude sij niet af

19. Geven ons en sullen wij geen arresteringe noch besettinge doen doen binnen onser graflichede binnen desen naisten vijf jaren vanden afterstalligen
20. Lijfrenten voirscreven so hebben wij onsen poirteren ende gemeynten van Alcmair voirscreven die tot onser onderdanichlic gecomen ende mit ons
21. Angevallen sijn dair om vergeven ende quijtgeschonden alsulke brucken ende misdaeden als sij iegens ons voir dese dagen gebruect en misdaen mochten
22. Hebben. Item waert datter yemant wair uut onser stede die recht ende vonnisse wil dagen die sal weder in mogen comen op onseren steden recht
23. Item so sullen die van gheestmanambocht ende alle anderen nieuwe steden die tot onseren onderdanicheit gecomen ende mit ons angevallen ende ons up dese tijt te
24. Dienste gecomen sijn bij horen handvesten privileges ende bescreven rechten bliven die sij onsen voirvaders graven te hollant vercregen hebben
25. Sonder vermynden mar altijt vermeerren als redelic wesen sal. Item sullen sij die tolle ende wijssset vrij hebben. In onseren steden ende hun nergent inder
26. Graeflicheden om onseren stede schulde op te houden. Item wair yemant van onse poorters van Alcmair die voir dese tijt onser stede gheregiert hebben
27. Ende voorcluchtich waren overminds schulde die onse stede op hun berekenen mochten dair sullen wij onseren stede in hulperen ende starckeren dat te
28. Verhalen andere geenre die also voirvluchtich sijn lieve en goede waerse gelegen sijn binnen onseren graeflicheden. Item sal men geen kueren maken ten sij
29. Biden hooftmans en biden dekens vanden ghilden ende alle kueren die in voirleden tiden gemaict sijn ende onnoibar sijn voir ons ende voir onseren stede
30. Te corrigeren biden personen voirscreven. Item sal die exchijnse binnen onseren stede af wesen bijj goet dinken ende ordinanere den zestren hooftmans ende
31. Dekenen vanden ghilden voirscreven. Item so en sullen sij geen sluysgelt binnen onseren stede vande goude meer geven noch betalen dan dat rechte sluys
33. Gelt alst gewaent is van ouden tiden. Item se en sullen onse poirteren van Alcmair pennincliker schult nergent in geven nuwen stede in
34. Vrieslant te rechte stain dan binnen onseren stede van Alckmair na ingehout horen ouden hantvesten. Oick sullen hun allen punten ende vrijheden
35. In horen hantvesten begrepen valcomiclic gehouden worden zonder hun die mit enigen nyen hantvesten die nyer sijn dan die hoire
36. Te verbrechen of te vercorten in enigerwijs. Ende wacht wij voir ons ende voir onseren nacomelingen geloift hebben onseren getruuw steden gemeynen
37. Onseren hoger heerlicheit ende ijgelic sijns rechts. So hebben wij des in getugenissee dese brieve uuthangende besegelt mit onse singnet hier an
38. Gehangen bij gebreke ons sekels tho desen tijt ende teerst dat wij onse zegel bij ons hebben sullen so gloven wij desen brieve van punt te punte te doen

39. Verscriven vernyen ende bezelen mit onser zegele. In alre manieren als hier voir gescreven stait  
gegeven in onsen heer voir onseren stede van Harlem upten 11 april 1427